

ادبیات عمومی و تاریخی

هفته‌لق سیاسی، ادبی و علمی غزته‌در.

جلد : ۱

سنه : ۱ ۸ جمادی الآخر ۱۳۳۵ جمعه ایرتسی ۳۱ مارت ۱۹۱۷ نوسرو ۲۲

اندلسه دائر

— کچن نسخه دن مابعد —

۲ — عربده شدالی بر تفرقه واردی. اندلس تفرقه لری، مجهول اولدینی اوزره، جزیره ک فاتح لری موسی بن نصیر و طارق بن زیاد آره سنده کی اختلاف دن باشلیور. جغرافیونک ایضا حه کوره (*) ایبه ریا یاریم آطه سنک تشکلات طبیعییه بی مختلف حکومات دن مرکب بر هیئت متحده نک [فهده راسیون، قونقه دهه راسیون] ترکیب نه زیاده سیله مساعده دی؛ لکن، بر عکس اوله رق، مرکزیت اصوله رعایت کار بر نک دولتک تشکله اصلا الیور شلی دکلدی. بویه بر حکومت مستقله نک تشکله کرک مسلمانلر، کرک خرسیتیانلر بوشنه غیر قکش اولشلردی. غیرت دینه بیه هر ایکی مذهب اربابنک آرزوسنی تطمین ایده مدی. طویراغک تقسیمات طبیعییه سی مملکتک بری برندن آیری حکوماته انقسامنی ایجاب ایتدی. Sierra Nevada جبال و جنوبک جبال ساحلیه سنک تشکیل ایتدیکی حوزه، مناطق سائر ده دن کلیا مستقلدر. اندلس ایسه بشقه قطع اتدن کاملاً مفروز بر الکادر. بونکله برابر نفس اندلس بیه سهولته مناطق تالیهیه تقسیم اولته بیلیر؛ چونکه اندلس قطعه بی واقعا اوزون ایسه ده کنیش دکلدی؛ کذلک طاغری ایله حدودی پک مفروز اولان غرطه سیاسی قولایقله ممالک سائر هیه قارشی سد ایدیه بیلیر بر مملکتدر. بونک کبی شمالده Manche، Estremadura، Sierra Morena، مرسیه و بلنسیه نک ده جغرافیا اعتباریه استقلال لری در کاردر. بوندن طولاییدر که صوک زمانلرده خرسیتیان اسپانیا وسائط وافکارک تحویل سایه سنده وحدت ملیه و سیاسییه سنی حیز حوله چیقارنجهیه قدر کرک مسلمانلر دورنده، کرک آندن اول و صکره ادوار خرسیتیانیه ده تفرقه لره اوغرامشدر. بوکون بیه پورتوغال، اسپانیادن کلیا مستقلدر. [قتالونیه] ایسه اسپانیا تاجنه عائد اولقله برابر مرکز دن تباعد حسلیله مضابدر. بو وضعیت جغرافیه تسلطنلری، تفرقه ملوک و ولاتی استجلاب ایتدی.

(۳) — عرب استیلا سی سریع اولمشدی. یاواش اولسه ایدی اراضی دها اساسلی بر صورتده استملاک ایدیلیردی. اهالی دهها قطعیتله مملکته یرلشیردی. بوسرعت بر عکس العملی، بر اجتماع موجب اولدی. بویه عجماله فتح مملک ایچون فضله قوه عضویه صرف ایددی؛ بالاخره، مملکتی مدافعه ایتمک اقتضا ایدنجه خزائن ملتده او قدر قوا قالماشدی.

(*) E. Reclus, L'Homme et la Terre, vol III, p. 449



بر هفته لق تاریخ حرب



[۲۲ - ۲۸ مارت ۱۹۱۷]

کچن هفته نك شتون عسكریه سندن ، مختلف جبهه حربلردن یانکزیایکسندده جریان ایدهن حرکات شان قیددر . بریسی غرب جبهه سنده ، کچن نسخه مزدهده یازدیغمز ، آلمانلرک حرکت رجعیه سی ، بریسی ده ما کدونیا جبهه سنده مناستر و اوخری طرفلرنده سارای اوردوسنك اجرا ایتدیکی خیلی مهم بر تعرضك عقامته دوچار اولماسی در .

صوك هفته ده آلمانلرک (آراس) و (ثن) نهرلری آراسنده کی حرکت رجعیه لری دوام ایتدی . آلمانلر طرفندن تخلیه ایدیلن و دشمنه نافع اوله بیله جك طاش طاش اوستنده قالماق شرطیله بوتون مؤسسائی ، یوللری و صنایعی تخریب اولوبان اراضیده ، - که تقریباً طولی ۱۲۰ و درینلکی ۳۰ کیلو مترودر - دشمنك ایلریله مه حرکاتی تصعب و تأخیره مأمور آلمان دمدارلریله ایلریله مکده اولان دشمن پیشدارلری آراسنده سواری و پیاده حرکاتی اولدی . شیمدی به قدر غرب جبهه سنده یکدیگرینه کندله غش سپر محاربائی اولور ایکن شیمدی آلمانلرک چکیلده حرکتیله میدان کنیشه یه رهك ایلک دفعه سواری محاربائی و بالنسبه اوراق مقیاسده میدان محاربیه لری جریان ایتدی . اگر آلمانلر یکی طوتقلری محکم جبهه ده حرکتسز و مدافعه ده قالماینتنده ایسه لر ، بو تقدیرده انکیزلرله فرانسلرله کلوب قارشیلرنده تدریجاً بر سپر شبکه سی وجوده کتیره جکارندن تقریباً برایکی آی صوکره یه غرب جبهه سنده صیق صیق به سپر محاربائی باشلایه جقدر . یوق ، اگر ، هینده بورغك حرکت رجعیه سی غرب جبهه سنده بر تعرض پلانك بر قسمی ایسه ، بو تقدیرده یکیدن سپر محاربائی باشلا یامادنی مهم مانورلر اولاجقدر ، دیمك اولور . بویکی شقندن هانکیسنك جریان ایده جکنی بزه حادثات کوسته ره جکدر .

شیمدین معلوم اولان شی آلمان ارکان حربیه سنك جرأتکارانه تشبیه غرب جبهه سنده تبدلات مهمه حصوله کادیکدر . انکیزلرله فرانسلر ، موضعلری آرقه سنده ایکی بر چوقی سنه دن بری سوق الجیشی واسع بر یول ، شمندوفر ، ده قوویل شبکه سی انشا ایتشلردی . بوسایه ده اللرنده کی قوتلری ، آغیر طوبلری ایسته دکلی یره سوق ایدیه بیله جکاردی . و بو ایلک بهار تعرض مأمولی ده بو وسائط سایه سنده احضار ایدلمکده ایدی . بو بر عظیم مجموعه استحضارات ایدی که آیلرجه زمانلرده میلیونلرجه انسانك همیله و میلیارلر صرفیله وجوده کلشیدی . شیمدی ایسه آلمان باش قوماندانی بر آزاراضی فدا ایدهرک بویلا نلری محو ایتشدر . انکیزلرله فرانسلر بوتون تأسیساتلرینی ، آغیر طوبلرینی ، ده پولرینی ۲۵ - ۳۰ کیلومترو ایلریده وجوده کتیرمک ایچون یکیدن ایسه باشلامغه و بونك ایچون ده اقلی ۵ - ۶ حتی ۸ هفته صرفه مجبور بولونیورلر . ایسته آلمانلر ویردکلی اراضی به مقابل بوزمانی قازانمشلردر .

ما کدونیا ده کی ائتلاف تعرضه کانهجه : عثمانلی قطعاتنك یاردیمیله بولغار و آلمان قطعاتی طرفندن دفع ایدیلن بو تعرض ایتالیالرله فرانسلر طرفندن مناستر ، اوخری و پره سبه آراسنده اون کون

بویوک برشدتله دوام ایتمش ، دشمن تقریباً الی بیک مقتول و مجروح و برداکن صوکره بیتاب دوشمشدر . بوتعرضك ینه اوراده ویا باشقه بریرده تکرر ایدوب اتمه یه جکی مجهولدر . دیگر جبهه لرده مهم حادثات یوقدر .

عثمانی جبهه لرینه کلنجه : ایرانده (بانه -) طرفلرنده ایلریله مک ایستین پیاده و سواری روس قوتلری مغلوب و رجعتله اجبار اولونمشدر . دجله و فرات جبهه لرنده انکلیزلری مقابل تعرضمزله مغلوب ایتدک و برخیلی اسیر ایلله ماکنه لی توفکر و بومبا اغتنام ایتدک . سینا جبهه سنده دشمنك تعرض تشبثده اولدینی آکلاشیلیور ، قافقاس جبهه سنده کشف حرکاتی اولمشدر .

§ تحت البحر حربی پک بویوک شدتله دوام ایدیور . مارت آبی خارمانك شباطی کچه جکی قویاً مأمولدر . بحر محیط آطلاسیده دولاشان و (ایکنجی مووه) اسمی ویریلن آلمان قروواوزورینك اصل مووه اولدینی آکلاشیلدی . مووه بو دفعه کی سفرنده ۱۲۳ بیک طون دشمن کیسی غرقنه موفق اولارق عودت ایتدی .

تحت البحر حربندن دولای آمریقانك وضعیتینی دکلدر . اخیراً اوج آمریقان واپورینك طور پیلانمه سی اوزرینه آلمانیا ایلله آمریقا آراسنده حال حربك اعلان ایدله سی محتملدر . رئیس ویلسون قواغره دن بوبانده مآذونیت آلاجقدر . آمریقا بری ، بحری استحضاراتده بولونیور . فقط برروایت کوره آمریقا ائتلافه آنجق نقداً و مالزیه تدارکیله یاردم ایده جکدر ، یوقسه بالفعل التحاق اتمه یه جکدر .

روسیه ده اختلال بر دوام . ظاهراً حکومت موقتته نك بوتون مملکت طرفندن تصدیق ایدلیکی سویله نیورسه ده اختلال بوتون روسیه ده درلوآمال و احتراصات اویاندرمشدر . عماله و سوسیالیستلر پک مفرط بر اصول حریت ایسته یورلر . حکومت موقتته بولره قارشی مماشات کورستمکه مجبور اولیور . دیگر طرفدن فنلاندیا ، اوکرانیا ، لیتوانیا ، قفقاسیا جمهوریت ایسته یورلر . بالذات پترسبورغ حکومتی بوکون فعلاً برحکومت جمهوریه در . صوک خبرلره کوره پترسبورغ بلدییه انتخاباتنده قادیلر انتخاب ایدلمشدر . اوردو ایلله عمله نك مرخصلری ده متمادی اجتماعلر عقدی و قرارلر اتخاذیله اورتالنی قاریشدر یورلر .

§ بزجه هفته نك اهمیت حادثه سی آلمانیا دولتیله عقداولونان معاهدات و مقاولاتك مجلس مبعوثان واعیانجه اولکی کون تصدیقیدر . معهود قاپیتولاسیونلرک الغاسنی رسماً اثبات و تصدیق ایدن بو شرائط متساویه مستند معاهداتله آوروپا حقوق دولی دائره سنه بالفعل داخل اه لیورز . بومعاهده لر شهبندرک ، مظاهرت عدلیه ، اقامت تبعه ، اعاده مجرمین ، قوای مسلحه دن دعوتله اجابت اتمه ییلرله قراریلرک تسلیمی خصوصاتنه عائددر . عین معاهدات آوستریا ایلله ده عقداولونمی اوزره در . بز دولتمزک استقلال فعلی و حقوقیسی اثبات ایدن بو حادثه مهمه یی کمال تقدیرله سلاملارز .

کری قالان مقاله لر

حکیم اشهر رضا توفیقک کلمیت بشریه حقده کی شاهمقاله سنک مابعدی کیچ ورود ایتدیکندن مع الاسف کله جک نسخه یه قالمشدر . تاریخ فتمزه عائد ایضاحات مقاله سی مابعدی ده یتیشدیر یله مه مشدر . قارئین کرامه اعتذار اولنور .